

PLIMLJEVO 21.08.2020.

## JAVNA USTANOVA APOTEKA BUGOJNO

Na osnovu člana 20a. stav 2. Zakona o radu Federacije Bosne i Hercegovine ("Službene novine Federacije BiH" broj: 26/16 i 89/18), člana 3. i 4. Uredbe o postupku prijema u radni odnos u javnom sektoru u Srednjobosanskom kantonu ("Službene novine SBK / KSB", broj: 7/19), člana 35. Statuta Javne ustanove Apoteke Bugojno broj 05/19 od 16.01.2019. godine, člana 6. Pravilnika o radu Javne ustanove Apoteke Bugojno broj 34/19 od 24.05.2019. godine i Odluke o potrebi prijema u radni odnos br. 101/20 od 21.08.2020. godine, v.d. direktor Javne ustanove Apoteka Bugojno, raspisuje

### JAVNI OGLAS za prijem radnika u radni odnos

**I-** Raspisuje se javni oglas za prijem radnika u radni odnos, na neodređeno vrijeme, sa punim radnim vremenom, uz probni rad u trajanju od 3 (tri) mjeseca, na radno mjesto:

**Kurir- spremačica**

1 (jedan) izvršilac

Mjesto obavljanja rada: Bugojno  
Probni rad: 3 (tri) mjeseca

#### **II- OPIS POSLOVA I ZADATAKA**

Kurir- spremačica obavlja sljedeće poslove:

- vrši preuzimanje, prenošenje i dostavu svih pošiljki (izvodi, pisma, paketi),
- vrši čišćenje, spremanje i uređivanje objekta Ustanove,
- vrši pranje laboratorijskog pribora i posuđa,
- vrši pranje veša,
- obavlja i druge poslove u okviru stručne spreme, a prema potrebama Ustanove i nalogu rukovodioca.

**III-** Kandidati za prijem u radni odnos trebaju ispunjavati sljedeće opšte uslove:

- da je državljanin BiH,
- da je stariji od 18. godina,
- da imaju opštu zdravstvenu sposobnost za obavljanje poslova navedenog radnog mjesta.

Pored opštih uslova utvrđenih Zakonom o radu ("Službene novine FBiH", broj 22/16 i 89/18), kandidati trebaju ispunjavati i sljedeće posebne uslove:

- Završena osnovna škola
- Radno iskustvo (najmanje jedna godina)

**IV-** Kandidati uz prijavu treba da dostave sljedeću dokumentaciju:

- Potpisana kraća biografija, adresa, kontakt telefon, e-mail adresa,
- Uvjerenje o državljanstvu,
- Izvod iz matične knjige rođenih,
- Dokaz o završenom obrazovanju- kopija svjedočanstva o završenoj osnovnoj školi,
- Uvjerenje o radnom iskustvu na istim ili sličnim poslovima od poslodavca (ukoliko kandidat nije u mogućnosti dostaviti uvjerenje o radnom iskustvu od poslodavca, treba da dostavi uvjerenje o radnom stažu izdato od nadležne porezne uprave ili uvjerenje o radnom stažu

izdato od Federalnog zavoda za penzijsko i invalidsko osiguranje – Kantonalna administrativna služba Travnik, u kojim je naznačena šifra zanimanja) radi bodovanja, ukoliko kandidat ne dostavi uvjerenje neće biti bodovan po osnovu radnog iskustva

- Uvjerenje o nekažnjavanju,
- Uvjerenje da se protiv njega ne vodi krivični postupak,
- Ljekarsko uvjerenje kao dokaz da zdravstveno stanje i psihofizičke sposobnosti odgovaraju uslovima radnog mjesta (dostavlja kandidat koji bude izabran u roku od 5 (pet) dana od dana prijema obavijesti o izboru).

**Svi dokumenti koji se dostavljaju uz prijavu na Javni oglas moraju biti u ovjerenoj kopiji ili originalu.** Datum ovjere ne može biti stariji od 3 (tri) mjeseca od dana dostavljanja prijave. JU Apoteka Bugojno neće vršiti povrat zaprimljene dokumentacije.

Kandidati koji uz prijavu dostave dokaz (potvrdu/ovjerenju) izdat od nadležnih organa da pripadaju jednoj od kategorija po Zakonu o dopunskim pravima branitelja i njihovih članova porodice, imaju prioritet u zapošljavanju tako što će prilikom izbora imati prednost u odnosu na kandidata koji, po prethodno obavljenom bodovanju, imaju isti broj bodova.

#### **V- Podnošenje prijava**

Prijave se dostavljaju lično ili poštom, preporučeno na protokol JU Apoteka Bugojno, u zatvorenoj koverti sa naznakom: "Prijava na javni oglas za prijem radnika – ne otvaraj", na adresu:

JU Apoteka Bugojno, 70230 Bugojno, ul. Ambasadora Wagnera br. 10.

Oglas ostaje otvoren 8 (osam) dana od dana njegove posljednje objave, a isti će biti objavljen u dnevnim novinama Oslobođenje i dostavljen Službi za zapošljavanje SBK.

Nepotpune i neblagovremene prijave neće se uzimati u razmatranje.

U slučaju da izabrani kandidat u ostavljenom roku ne dostavi ljekarsko uvjerenje o radnoj sposobnosti, prijava će se odbaciti kao nepotpuna.

Sa kandidatima koji budu ispunjavali uslove Komisija za provođenje procedure prijema u radni odnos obaviti će provjeru znanja radnih i stručnih sposobnosti i vještina, usmeni intervju.

O vremenu i mjestu održavanja provjere znanja radnih i stručnih sposobnosti i vještina, intervju, kandidati će biti naknadno obavješteni putem telefona/e-maila.

Za dodatna obavještenja kontakt osoba je Emina Memić, kontakt telefon 030 252 026, e-mail [apoteka.bu@bih.net.ba](mailto:apoteka.bu@bih.net.ba), radnim danima u vremenu od 09.00 do 12.00 sati.

Broj: 102/2020

Bugojno, 21.08. 2020. godine

*Emina Memić*

